



JABATAN PERKHIDMATAN VETERINAR MALAYSIA

LAPORAN LIPUTAN MEDIA

KHAMIS, 1 JULAI 2021

1. JAIM benarkan ibadah korban, terhad lima ekor ternakan sehari

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

TARIKH

MEDIA

RUANGAN

MUKA SURAT

JAIM benarkan ibadah korban, terhad lima ekor ternakan sehari

MELAKA - Jabatan Agama Islam Melaka (JAIM) membenarkan pelaksanaan penyembelihan korban pada Hari Raya Aidiladha tahun ini di masjid dan surau dengan bilangan haiwan korban terhad kepada lima ekor sehari sepanjang tempoh empat hari ibadah korban bermula 20 hingga 23 Julai.

Pengarahnya, Datuk Che Sukri Che Mat berkata, bagaimanapun setiap masjid dan surau terlebih dahulu perlu mendapatkan kelulusan Jabatan Perkhidmatan Veterinar Negeri Melaka yang akan memastikan kesesuaian tempat korban.

“Kami turut menetapkan hanya 25 petugas berdaftar dibenarkan hadir ke tempat pengurusan korban di masjid dan surau dengan bilangan haiwan korban terhad kepada lima ekor sehari.

“Peserta korban pula tertakluk kepada bilangan lembu yang disembelih



CHE SUKRI

iaitu tujuh peserta bagi setiap lembu tetapi tidak melebihi lima ekor lembu pada satu hari, jadi sepanjang empat hari ibadah korban dilaksanakan, ia terhad kepada 20 ekor haiwan korban sahaja bagi setiap masjid dan surau yang melaksanakannya,” katanya ketika dihubungi di sini pada Rabu.

Dalam pada itu, Che Sukri turut mengingatkan kesemua masjid dan surau agar mematuhi prosedur operasi standard (SOP) yang ditetapkan bagi memastikan ibadah korban yang dijalankan tahun ini berjalan lancar.

“Memandangkan tiada agihan dibenarkan dalam kawasan masjid dan surau di negeri ini, saya minta jawatankuasa masjid dan surau memainkan peranan dalam proses pengagihan daging korban dari rumah ke rumah yang dikenal pasti oleh jawatankuasa korban,” katanya.

Bernama